

穰梨館過眼錄

穰梨館過眼錄卷十八

歸安陸心源伯剛甫編

文衡山參竹齋圖卷

引首紙高九寸二分
長三尺三寸

參竹齋可泉

圖紙高全上
長四尺一寸

徵明

文甲 白文
徵明

又接紙高全上長
三尺五寸一分

琴雀
山房 白文

山居翳修竹長嘯清風生
傍榻秋同臥當尊月共傾

歌餘雲氣碧，意入夢魂清。暮以山中寂，蒼蒼晚歲情。

范惟一

范惟一 白文 翔印 白文
詩草 文堂

卜築臨幽徑，脩然傍葛陂。青鸞來問侶，丹鳳若爲期。
其擬青蔥質，渾同冰雪姿。知君有高節，不讓萬年枝。

高午范惟丕書

萬笏山 白文 文正 朱文
堂印記 院印

客有含華者，高談析玄理。文道慨嶮巖，巖巖蕭朱何靡靡。
坐對碧琅玕，掃徑日徒倚。平生金石交，意氣吾與爾。
清風來左右，涼月揮巾几。長聽白雲謠，忘形自茲始。
抗手揖羲皇，去去淑塵軌。

湯盤

萬峰 白文 惠 白文
山人 銘

又接紙高今上長
三尺七寸五分

何事可相參蕭蕭竹數竿虛心聊自倚高節口誰干
有斐得君子清真託歲寒端能謝塵俗常此共平安
靜裡酬孤悄風前覓澹懽相親恐相失長日繞闌杆

文徵明

文印 白文 徵朱文

仲

此子卽此君胡乃更尋友天籟發秋聲琅玕相左右
豈不欲采香香在山何有陋彼桃李姿高節獨儲秀
中有老戴書教口相授受酌水不知寒抱石不嫌瘦
坐對兩相忘飛雲時出岫 南濠任餘稿 疇仲 白文

泉 白文

又接紙高全上長
二尺八寸二分

同芳未云奇同操斯爲美託身巖壑間晚節疇可擬
此君有虛心蕭蕭脫凡鄙既然歲寒交庶免凡口恥
松口時吟哦梅香復徙倚契旁良已深盟寒貴時理

林屋蔡羽

兩行修竹翠連雲獨坐參三對此君時有清風鼓天

籟泉鳴琴奏互相聞

穀祥

王印 白文 城市 白文
蘇之 山林

又接紙高全上長
一尺一寸五分

大雅堂 朱文

高齋蔭修竹楚楚蒼玉林冷風稍披拂鏘然琴筑音
大雅不諧世端居自證心靜觀偶賓主無爲俗駕尋

雅宜子王寵

王履 白文
吉印

又接紙高全上
長九寸二分

修竹已參天君今更參竹相依自主賓相忘可醫俗
清風憂瓊琳翠影沒礧碌載誦武公篇猗猗在淇澳

三橋文彭

文 朱白文 文壽 白文
彭印 永印

又接紙高七寸五分
分長七寸六分

有客參玄寂蕭然無俗塵烟霞從口好修竹每相親
淇水搖珍簟湘雲度葛巾北窗高臥處何異上皇人

袁麥

袁氏 朱文
永之

又接紙高九寸二分
長五尺二寸一分

修竹挺寒節蕭蕭湘水東四時無易葉六月有清風
徵士操孤絕虛心獨此從塵中誰解惜君與子猷同

文嘉

文嘉 朱文
休本

幽人修竹逕暈似桃花源日與此君對如參靜者言
溪雲窺閉戶山月伴開尊抱膝長吟處悠悠誰與論

陸師道

陸氏 朱文
子傳

知君無所好日與竹相參高節風霜老幽貞月露甘
往來無俗駕賓主自東南進退吾能事同君竹共三

陳鏐

兩 朱文
泉

又接紙高全上長
一尺三寸九分

六橋莊 朱文

翛然仲蔚宅卽是子猷居不逐羣芳媚偏令俗客疎
嬾娟蔭軒戶蔥翠潤琴書素節堪爲侶貞心共晏如
移陰龍影度引籟鳳吟餘衡嶺行將攝梁園賦豈虛
余方慕嵇阮歲晚命巾車 沛朱大韶

文石 自文 朱梁 朱文 史印 老氏

又接紙高全上長
三尺二寸三分

參竹先生以一隱士而行誼文采著聞於郡中伍駕
部君求與先生有連尤重先生之爲人每游揚諸薦
紳間袁學憲王吏部蔡林屋王雅宜諸公咸有贈章
而文待詔衡山翁繪爲圖時天水可泉胡公守郡搜

訪巖穴高尚之士得先生而賢之胡公善署書一日
君求出是卷請書胡公欣然爲題參竹齋三字并其
首茲事在古昔不爲奇若今世王侯不下士久矣郡
長吏特書以贈隱人誠希闊鮮觀觀哉先生年七十
有九以嘉靖辛酉秋下世于時幼孫冠甫十二先生
頗鍾愛之臨終以卷付焉迄今將二十年矣卷久紙
漸脫冠爲裝池而以余往丁未歲赴繕部之役奉先
生之命立傳併所賦詩置卷前內弟道微攜過松余
展覽殊深今昔之感因題數語歸之冠併示後之人
俾世守之以無忘先生之遺也 萬曆戊寅冬十月

既望大中大夫南京太僕寺卿致仕范惟一書于尊

生樓

王聖
王人

朱文

太僕

朱文

范文正
公十六

白文

又接紙高八寸八分
長三尺七寸四分

參竹張隱君傳 吳有張隱君者其先汴人也趙宋

末徙吳之李谿家焉因爲吳中人數傳至默菴公贊

柳谿潘氏是生隱君隱君生有至性自少敦儼朴茂

不喜與羣兒嬉卽嬉亦必訢訢退讓不甚踰尺度讀

書善悟能記憶年十二三卽喜作詩學書然惟取適

意不必工里中人咸奇隱君隱君初亦欲出而用世

旣以默菴公老乃與其伯兄古愚君誅茅卜室香逕

山麓奉默菴公居焉因自稱寄山子於是隱君高蹈
不復出矣所居中亭植數竹隱君日與之對翛然若
有得或時陟香逕山臨具區之流覽觀七十二峰輒
竟日忘返時林屋蔡羽以能詩稱吳中聞隱君名一
日放舟渡湖訪隱君之廬隱君延之坐竹下譚笑甚
懽蔡問隱君生平何所爲隱君目庭中竹曰余何所
爲惟日對此君耳蔡益高之別去稱隱君爲參竹君
于是隱君亦自稱參竹云吳中故多賢豪人亦時時
造隱君由是隱君之聲日起隱君居常不事產殖雖
其家蓄蓄落不甚辦營理然性甘食貧泊然無外願唯

歲時率童僕事田圃則躬操酒食勞苦之又其篤信
雅爲里中人所推以故家亦未嘗空乏隱君性至孝
雖自奉約甚而奉默菴公與其母必盡水土之供母
暴疾卒隱君喪之哀毀骨立默菴公老臥病不能舉
手足隱君侍湯藥飲食溲溺晝夜不解衣者二年事
其兄古愚君必竭恭順終古愚君之世無間言故里
中人稱孝友又必推隱君隱君莫年以經術教其子
謨詔姪訓訓辛卯舉於鄉謨詔俱有聲弟子員鴻達
可待諸孫又復林立駸駸然咸嚮學矣人咸以爲隱
君後祿蓋未艾云 范子曰人亦有言古之逸民專

一邱之壟擅一壑之美天地不易其樂萬物不干其志以余觀隱君殆其人非邪先是隱君以其息歸余雲間數留旬日見其人恂恂朴渾不喜繁儀節口無飾言有古先民風余甚敬愛之譬之太羹玄酒挹之自有餘味視彼卑論儕俗與世浮沈以希榮艷者豈可同日語哉今年秋余將赴繕部因過隱君爲別隱君年六十六矣乃出其生平諸游好所贈遺之作示余且欲余一言也余乃爲隱君傳亦自附執鞭之義云爾嘉靖丁未閏月河內范惟一書于木蘭行署

中方子

白文

文正

朱文

院印

文衡山中秋玩月圖軸

紙本設色高二尺一寸四分廣一尺

月近中秋夜有暉幽人戀月臥遲遲及時光景寧須
滿明日陰晴不可期清影一簾金瑣碎涼聲何處玉
參差酒闌無限懷人意都在庭前桂樹枝 十四夜

銀漢無聲夜正中十分秋色小樓東空瞻朗月思
玄度誰有高懷似庾公把酒金波浮桂樹捲簾清露
滴梧桐碧雲何處人如玉惆悵東欄一笛風 十五
夜 人眼冰輪積漸摧白頭顧影重裴徊極知物理
盈當缺自惜年光去不來蟋蟀早將寒氣至芙蓉都

變露華開殷勤未負花前醉依舊清光在酒杯 十

六夜 今歲中秋晴霽可嘉連夕對月有作時子朗

每夕相陪因錄贈之并系小圖徵明 徵明 白文

文印 白文 衡 朱文 徵明 山 徵明 朱文

文衡山蘭亭修禊圖卷

絹本高九寸八分長一丈九尺八寸

天籟閣 朱文 項聖霖 白文 鑑賞章

嘉靖丁巳十月既望長洲文徵明寫 文印 白文 徵明

選密 朱文 項子京 朱文 林和 朱文 家珍藏 真賞

又絹本高九寸八分 停 朱文 雲 天籟閣 朱文

蘭亭記

文不錄

余每羨王右軍蘭亭修禊極一時之勝恨不能追復故事以繼晉賢之後也往歲有好事者嘗修輯舊蹟屬予爲記茲復於暇日彷彿前人以作圖重錄蘭亭記於卷末蓋老年口下多所閒適聊此遣興其畫意書法都不暇計工拙也戊午八月旣望時年八十有九矣徵明

徵仲 白文

文印 白文

退書

朱文

項聖祿

白文

項子京

朱文

林和

朱文

吳印

白文

吉芳

監書

東珍鼎

區贊

明人送朱升之出守延平詩翰文衡山劔浦春雲圖

卷

引首紙高九寸九分長五尺五寸

尋樂齋

朱文

蓮香

白文

新安包氏

朱文

室主

稅板之印

循良屬望

吳郡徐霖

徐氏

白文

鮑氏

白文

仲子

朱文

開紙本高九寸五分長二尺八寸

嘉白文

蓮香室

朱文

印

朱文

印

淮楊朱君耀守南劍友人文壁作劍浦春雲圖以系

千里之思

文壁

白文

文徵

白文

接紙高全上長二尺七寸八分

文翁

漢朝循吏重文翁千載猶稱太守功蜀郡絃

歌歸樂十孔庭廟貌託橫宮龔黃有美口如遠班馬

無私號最公都說遺蹤今不朽翰君爭似古人風

蠡吾馮蘭

子朱文歸

王成 彼以其僞我以其誠前車之覆後車之更柔
遠能邇荒此延平吁嗟朱甫不道王成 南陵呂柟

仲朱文木

又接紙高九寸八分
長二尺五寸五分

黃霸 神爵君王號勵精寧知長者亦馳聲潁川孰
與韓嚴輩試共今侯一謾評 四明豐熙 原學 朱文

玉堂朱文

清暇

朱邑 漢書一部縱橫在坐取循良次第評北海無

人爭善政相鄉有地卜餘生皇風穆穆醫衰草尹日
高高照古城百代雲孫經濟手直拖遺事到延平

四明張琦

又接紙高九寸六分
長二尺四寸八分

龔遂 渤海左右郡歲飢盜蜂起維時二千石禁之
不能止漢宣重軫念伊誰能了此丞相御史言非遂
莫稱旨即日召便口相見纔尺咫龔遂拜稽首厯厯
陳所以治亂猶治繩急之則難理一切從便宜文法
非所倚昌言動漢庭帝曰良亦是遂即乘傳行單車
入其里移書罷捕吏所貴安輯耳從容出教令執器

有臧否兵弩易鉤鉏盜散如棄庭開倉賑貧窮選吏
稱任使齊俗舊好奢身教先約已刀劔買牛犢浮末
皆耒耜循行盡郡中訟息盜亦弭漢家循吏傳遂實
專其美于今歲頻飢在在渤海似延平萬山中盜發
疾於駛九重宵旰憂漢宣同一揆旁求朱紫陽留都
稱俊士文名播縉紳清聲動遐邇寬平謝強暴間雅
消俗鄙豈無龔遂謀坐令天子喜我歌送君行屬望
何涯淚勉旃繼循良芳名共青史 錫山呂元夫

呂仲 朱文 寒泉 朱文
仁印 幽竹

召信臣 西北有高山東南有大海生我延平民居

中百千載遠在天南頭去聖人萬里欲得無留害祇
賴賢守宰聖人念遠人賜我慈父母輟其股肱任來
爲赤子乳我望朱夫子如望漢召父請爲召父歌女
知召父不召父善治田從橫正疆畝始予我錢鏹以
及奄銓艾耦耕并牛犁耜稔諸種等田功多方理要
領在水利開溝起門闕處處廣灌溉均水作約束刻
石防決記劭農走阡陌止舍卽野次召父善教人頒
訓從幼艾孝弟正家族勤謹不弛怠趨役赴公事和
孫於社火有稟特秀異使結衿帶佩入學共紘誦學
古壯而仕召父善阜財民產加豐大召父善聽訟無

情不譁啄飢渴召父食寒裸召父被召父善使人隨時各分代召父善事神水旱不爲厲人口歲增倍訟盜悉哀止召父去已久循良風聲在惟有朱夫子甚與召父似凡此召父善朱夫子盡備夫子來毋遲百姓日候伺凡此召父事于今益有賴一一速施行惠我起我憊上戴天子恩夫子還入拜願爲公孤貴名與召父配 吳郡祝允明

枝指 白文
生

又接紙高九寸五分長二尺八寸

衛颯 衛颯在漢亦循良今之朱侯亦可方作官好學與颯匹但是延平逾桂陽古今難易匪二道風俗

澗厖分異鄉桂境接夷染夷俗颯到先興序與庠延
平閩之禮樂地文學流行開朱楊山澤利饒有定貢
鑿山不必多周章居官如家此素志清靜無爲侯故
常地曹十載坐郎署庭喧寒雀門凝霜颯難侯易未
可忽要使簡冊同爭光一郡一藩益小試表儀會見

登巖廊

陳留謝承舉

子朱文象

任延 漢室履至治資之在良牧卓哉聖臺輩帝意
乃深屬嘉績多炳朗所重變蠻俗昭垂循吏傳百世
人可讀勉焉延平公庶以嗣芳躅 吳郡徐霖

徐氏 白文

子仁

又接紙高九寸六分長二尺八寸

孟嘗 允矣孟伯周領牧臨溟渤結組驅征車夙夜
恭迺職還珠地應教澍雨天合德天地通神明時世
寡察識七疏不見用作息老山澤今君守延平地亦
與相值所望在勵勤何須添足翼千載傳循良去去

行努力

蘇門唐寅

唐朱文
唐伯虎
居士

第五訪 良牧于邁將爲民速爰采昔聞述其夙愛

以備景行以代贈言之誼作第五訪贊 仁哉訪君

政先恤貧發庾賑給萬室皆春原古建牧惟以奠民
苟民可口遑計子身慨茲季世大義攸泯華衣丹轂

他若周聞我獨何人吁嗟乎訪君 魏郡崔銑

仲鳧 朱文

又接紙高九寸五分長二尺八寸

王景 延平太守誇少年郎官十載清名傳長才民
曹了案牘日與文士相留連我居山林若契闊偶來
正值驪歌筵驪口有情還有贈分題各贈循吏編東
都王景何如者農桑水利稱勞賢延平水道古無害
劍溪合派流樵川民生亦自樂耕賤務本不傳官施
鞭君今此去復何事詩書又沉遺風延此時爲官少
特立料知君力能堪焉別君何時再相見寒風掠

心茫然 溧陽史巽仲

秦彭 木葉下寒風鴻雁鳴朝霜歲晏適遠道問君
何匆忙明后懷民瘼剖符詢萬方謂君崇明德不殊
古循良東都秦仲平在昔守山陽四誠興禮教三品
均疆場上方重嘉賚下民歌庶康君向南劔州神物
揚明光世代有先後賢哲同翱翔 鄆陳沂

魯 白文
南

又接紙高九寸六分
長二尺七寸八分

王煥 始隱功曹井渫在野茂口既舉雉膏乃食惟
明司農爰推而轂譽兮上逮乃命作牧彼悍者充彼
頑者洛如投之刃何堅不破折爾宿姦人皆曰剛自

公言之無乃末強直爾疑獄人皆曰明白公言之無
乃細行仁慈是執惠爾羣醜易道長人詩云父母商
宿於塗牛散於原教實使之豈其性然炎德之季其
氣方窮賢哉夫子乃存其風簡牒具在如蘭之馨我
悲大道懷哉斯人 右王渙贊爲朱升之守延平作
冀其兩漢之風行復見之若升之所學與余之處升
之尚遠矣 長沙易舒誥

欽 朱文
之

許荆 漢家長吏多循良永元中有許少張孝廉辟
舉擅名譽稍遷太守來桂陽南州風俗殊脆薄不識
學義夷獠鄉敷陳禮禁使遵守婚姻制度及死喪逢

春五馬出行縣蔣家兄弟爭倔強上書陳狀自引咎
各相感悔趨公堂父老謳歌動閭巷行復徵拜歸岩
廊碑文傳誦紀德化千秋廟祀留一方朱君青年富
才藝佐理邦計入曹郎延平出守未當薄民風日靡
心盡傷坐令比屋反淳厚姓名汗簡須流芳豈謂今
人不如古我歌先哲爲揄揚 廣信呂夔

祖朱文
邦

又接紙高九寸六分
長二尺七寸六分

劉炬 送君口口口相期到古人漢室雍邱宰禮讓
化民新孝弟雖天性綏匡固有因庭非無雀角提耳
亦諄諄拾遺復歸主澆俗漸還淳斯人久不作寤寐

憶芳塵

堂邑穆孔暉

伯朱文潛

錙寵 君守延平聖化宣循良那讓祖榮賢明經已
見承三世清節還應受一錢治洽閭閻無犬吠位期
台輔看鸞遷詞林屬望須珍重千古芳聲信史傳

江左羅輿

又接紙高全上長
五尺五寸八分

西漢循吏贊 嘉興太守劉君元瑞吾鄉人也自秋
官大夫擢任下車甫逾月茂著善績未幾以時黜罷
郡郡人方之劉寵爲立祠樹碑以志去思旣歸鄉里
南都士有典城者咸詣劉君訪其治理地官大夫朱

君擢守延平時劉君營養他郡謂韋曰惜不得就正
延平俾吾無所資取韋嘗見嘉興人疏劉君政數十
事皆謹身率先仁誠簡易有道德齊禮之風□□漢
所稱述殆無以過之奚獨一祖榮者哉□□少年博
雅遂于理道時務方劇民多失口閤閤焉有長人之
志因取班范所傳循吏槩括其行事各爲韵語若當
時歌頌風謠之詞爲朱君誦之烏乎嘉興治理雖多
出于天資之懿然不能無景行焉者荒鄙之言是或
政化之一助云爾

秦滅六籍道化如縷天下貿貿民鮮克舉孰謂邦教

興于遐土秩秩學官衣冠有楚明經飭行如隳斯嗜
僻陋異趨比于齊魯卓哉夫子是謂振古 右文翁
昔相膠東爰有王成地節之間治甚有聲世主綜核
名必稱恃流民自占通侯是膺僞自增加或謂無徵
嗟彼俗吏多爲虛名叔季攸尙易歸乎卿 右王成
世皆張急已獨寬和治去泰甚于道無歌許丞勿逐
數易爲苛先禮後罰民用弗瘥米鹽靡密促節繁科
其曰烏攫于公謂何功名未損後世興嗟 右黃霸
朱邑仲卿仁利爲行不事笞辱吏民愛敬感激傲言
右達名勝身爲列卿儉節公正淑人君子皇皇詔命

桐鄉西郭表其善政虎寇屠伯嗟治之病 右朱邑
渤海廢亂道化靡及不有長者其何以戢治如亂繩
緩不可急單車獨行教令既翕蠢蠢鉏鉤不煩而集
簡黜游惰牛以劔直者才晚用爲世所惜 右龔遂
南陽有守本自明經治如上蔡其化大興供奉歲泮
田畝日增游傲斥罷奢泰是懲豈不如子召父表稱
奉祀歷郡仰惟德馨我思古人爲今守丞 右召信
臣

桂陽劇郡遠在幽阻風土寥闊俗化齟齬息姦省役
安然邑聚設禮昏姻惟敬庠序守官如家百務具舉

後先子產惠人嘉予誰其用之司徒鄧平 右衛颯
郡有仁賢爲民之望禮祠延陵道用不喪龍邱備錄
爰申辭嗟忠臣弗私侃侃高亮分符九真南方保障
父子夫婦蠻夷知向弱冠著聲人驚其壯 右任延
於平仲謀本自孤貧傭耕以養暇則學文仕郡功曹
政善民親邊郡遐薄饑歲存臻賑發須報是棄其民
太守亟救樂以一身仁哉斯言惠豈一人 右第五

訪

雍丘爲政一以禮讓提耳訓告訟者阻喪路無拾遺
民風雅尙胡進胡退本平直諒再爲公輔名節滋亢

並美种黃號爲賢相弗究其施邈焉興悵 右劉矩
民之多賴在衣與食毋屯其膏守長之職汪汪苟口
地靡餘力作爲法制訓令蠶織章示常禁四境豐給
決壅治潰咸底于績翮勛叔敖夫豈有極 右王景
伯平爲政篤於教化以禮示訓不事楚櫝敦明庠序
崇向儒雅四誠在國三品在野詔令條式頒之天下
鳳皇麒麟允哉休嘏歌告來蘇孰如君者 右秦彭
爲國治理在我良吏先温後洛風威大被平正居身
寬嚴互施令名顯聞政迹茂異墨綬平生羔羊蹈義
生則致神死則報祀嗟彼未高難乎其繼 右王渙

孔云庶矣既齊而教其教以躬匪言可召乃有許椽
夙稱廉孝蹈武衛公厥德彌邵闔墻何人亟若於道
父老稱歌爰有祠廟惟帝念嘉於孫食報 右許荆
孟嘗伯周其先上虞少爲曹吏孝婦冤口典郡合浦
故政蠲除百姓歸業口海還珠去隱窮極慕德就居
遐景藏彩寶棄溝渠楊喬破心流涕上書 右孟嘗
民爲吏擾在古則然狗吠竟夕夜不得眠誰其念之
病哉斯言劉公有道煩苛是蠲口口弗吏樂我桑田
彼有黷貨我有一錢千載永談太守之賢 右劉寵
漢季諸賢吾愛季智人皆元行已獨斂秘澹默無知

四十補吏暮年大化陳元感義鳴梟哺生鷹鷂損志
畢學而歸竟以遺世嗟嗟大賢胡不遐施 右仇香
烈烈致理莫或歌譏休休爲政莫或敢違漢宗觀德
少平著威彼豈弗臧□□□□豺虎匍伏孰謂無知
宜其清淨深□□□我爲歌頌永矢吏規 右童恢
正德己巳冬十一月之晦癸卯王來謹書

欽白文
佩

虛受 朱文
齋印

元瑞本紹興守其旣去之後郡人思之立祠越王臺
左碑亦在焉欽佩乃以紹興作嘉興誤矣吾故跋此
兩漢循良吏贊之後俾人思元瑞善績庶有考云丙

子秋九月雙溪杭淮書于黔中公館

東朱文
卿

又按紙高九寸六分
長二尺五寸二分

凌溪先生守延平與好稽循吏載班史者得十二人
焉分而贊之以爲行贈余讀之歎曰幸其時猶有數
人也尤幸史載其事於不泯若後世則不載於史矣
其人之有無吾何以取知然凡是數人著稱者今世
守者如其一人焉則吾亦古循吏矣如其二如其三
人焉則固已上於古人矣苟兼衆人而有之則固古
今下上之未見與聞也是又不尤難矣乎凌溪子與
好信旣深且久矣數人者口其所易口而不難者乎

雖然豈獨此耶列循良之事以期諸君見於素位之事忘動變之效而先立其體者儒者當然之學由今言之凌谿子居延平不但漢數人似者其又有得於此乎然則他日廟堂禪父以敷施者亦舉是已耳豈惟一循良已哉此後之人取徵於史者凌谿子將又有所憂勤而惕厲者歟歲逸人關中段吳書

惠朱文光

河濱

朱文

蘇東坡
程氏贊
富嗣者言

朱文

文衡山設色山水軸

歸安李氏藏

紙本高四尺三寸一分
分廣一尺三寸二分

六月飛泉口玉虹幽人虛閣在山中四簷秀色千峯

雨一榻松聲萬壑風 嘉靖壬辰夏日避暑東禪適

紹之過訪輒此奉贈徵明

文印 白文

徵朱文

悟言 白文

文衡山行書軸

歸安李氏藏

紙本高一尺八寸五分廣九寸七分

近來無奈病淹愁十日廢梳頭避風簾幕何曾捲
然處玉鼎香浮興至閒書棐几困來時覆茶甌新涼
如水簾紋流六月頓清秋手拋團扇拈書冊無情緒
欲廢還休最是詩成酒醉月明徐度南樓 徵明

徵 白文

悟言 白文

高生 長物

朱文

高氏象 南心賞

朱文

仇十洲青綠山水卷

紙本高八寸八分
長三尺二寸

項元 朱文

墨林 朱文
子孫 白文
秘玩 永保

仇英臨

神品 朱文

項元 朱文
子京 朱文
甫印

虛朗 朱文
項墨林甫 朱文
秘笈之印

跋紙高八寸九分
長三尺九寸一分

墨林山人項元泚秘觀于幻浮齋中時立夏日試惠
泉心賞不已俟暇日有意持來再閱人生快事其樂
何如

平生 朱文
項墨林甫 朱文
真賞 秘笈之印

精采沈厚是古人天資高邁細筋入骨處故無一毫
塵俗拘牽之弊此浮嵐暖翠圖全仿趙千里筆法精

細生動不使片塵泥其筆端可謂心靈手敏體會入微非趙公不能構此景色非十洲亦烏能肖其情狀良工心苦收拾無餘宜爲嘉禾項氏鑒賞珍襲無異古人後有裝池年月題記可覆按也 西河散客漫

識

墨林 朱文

子京 朱文
甫印

宋趙伯駒浮巒暖翠圖仇英臨 墨林項元汴清玩

明嘉靖四十五年秋日裝池

武陵 朱文

琴 朱文
碧亭

仇十洲秋風紈扇軸

紙本長三尺三寸三分
分廣一尺三寸五分

仇英實父製

十州 朱文

紈扇動秋思將題未有詩含情惟脈二
祇恐侍兒知
癸巳夏日偶見十洲此曲盡幽閒之態愧索題匆
劇不能寫其情致也八十老人周天球
周球
朱文連珠

文正 白文
居士

明月辭何苦秋風思不禁畫圖如對面誰識楚好心

王穉登
穉登
朱文連珠
青羊 白文
君

不復掩嬌啼空憐望眼迷齊紈額冰骨簪筆不須題

張鳳翼
秉耕 朱文
張氏 朱文
伯志 京兆杜 朱文
氏家藏

仇十洲玩古圖軸

絹本長二尺八寸五分
分廣一尺二寸五分

寶父仇英臨宋人院本

十州

朱文

仇英 白文
之印

停朱文
云

玩古圖說 骨董之義何昉乎骨之爲言萬物莫不
有骨也董之爲言知也知者爲董不知卽爲不董也
又董之爲言藉也凡事莫不有藉如物之盛於器器
之登於几二之憑於地是也古鐘鼎彝之青綠玉之
血斑皆有所藉於銅與玉焉則知無骨不能成無藉
不能立卽如繪之有素未可憑虛胥此意也然旣言
骨矣而以董字連之者何也物之有真僞猶理之有
陰陽虛實也惟其法鑒者始能藏真且知其品第高

下而甲乙之若者宜玉軸若者宜牙籤若者宜囊若者宜函未可矯強也明矣茲觀仇實父所製玩古卣因爲之說如右云 嘉靖丙辰三月既望長洲文徵

明

文印 徵明

白文 衡山

朱文 蕉屋

朱文 林書

朱文 蒼巖

朱文 北溟

朱文 家在

朱文

梁清 寶印

白文 蕉林

朱文 珍秘

朱文

仇十洲士女冊

絹本共計十頁第一頁高七寸七分長六寸六分賣藥

仇英 朱文方長印

第二頁高長全上試馬

十州 朱文胡蘆印

第三頁高長全上買醉

十州 朱文胡蘆印

第四頁高長全上觀魚

仇英 朱文方印 寶甫

第五頁高長

全上補鞋

第六頁高長

全上盲詞

第七頁高長

全上賞秋

第八頁高長

全上紡績

第九頁高長

全上磨鏡

第十頁高長

全上讀書

十州 朱文胡蘆印

仇英 朱文方長印

實甫 朱文方印

仇英 白文方印

十州 白文方長印

仇英 朱文方長印

穰梨館過眼錄卷十八終

穰梨館過眼錄卷十九

歸安陸心源伯剛甫編

仇十洲文姬歸漢圖文壽承隸書胡笳十八拍

絹本高一尺長一尺八寸四分

商王宋華 朱文 畫真跡

墨林 朱文 秘玩

鐵詆 朱文 畫詆

文三橋書胡笳十八拍

紙本高一尺長六寸九分

停云 朱文

第一拍文不錄

第二圖

絹高全上長二尺一寸九分

項印 白文 元祐

項子京 朱文 家珍藏

古洞戴瑛之印 朱文 藏書家印

第二拍文不錄

紙高全上長四寸七分

第三圖

絹高全上長一尺八寸五分

戴隨 朱文 秘玩

項子 白文

第三拍文不錄

紙高全上長四寸六分

第四圖

絹高全上長一尺五寸

戴芝農父 朱文 項墨林 白文 秘笈之印 鑑賞章

第四拍文不錄

紙高全上長四寸六分

第五圖

絹高全上長一尺八寸九分

翰墨軒主人 朱文 平生 朱文 眞賞

第五拍文不錄

紙高全上長四寸

第六圖

絹高全上長一尺六寸四分

戴培之家珍藏 朱文 退密 朱文

第六拍文不錄

紙高全上長三寸九分

第七圖

絹高全上長一尺九寸四分

丹徒戴培之半全 白文 子京 朱文 墨林 朱文 石印 秘玩

第七拍文不錄

紙高全上長五寸四分

第八圖

絹高同上長二尺

墨林 朱文 芝農家藏 朱文

第八拍文不錄

紙高全上長四寸六分

第九圖

絹高全上長
二尺二寸

項子京 朱文
家珍藏
主人 朱文

第九拍文不錄

紙高全上長
四寸五分

第十圖

絹高全上長一
尺八寸八分

潤州戴維 朱文
平生欣賞
項子京 朱文
家珍藏
墨林 白文

第十拍文不錄

紙高全上長
四寸五分

第十一圖

絹高全上長一
尺八寸六分

子京 朱文
墨林 白文
視齋
潤州戴維 朱文
培之 朱文
清常

第十一拍文不錄

紙高全上長
四寸四分

第十二圖

絹高全上長一
尺八寸六分

戴培之鑑 朱文
平生 朱文
項子京 白文
項子京 朱文

第十二拍文不錄

紙高全上長
五寸六分

第十三圖

絹高全上長二
尺二寸一分

芝農 朱文
潤州 朱文
墨林 朱文
秘玩

第十三拍文不錄

紙高全上
長六寸

第十四圖

絹高全上長二尺三分

曾藏戴朱文 墨林白文 芝農家 外史

第十四拍文不錄

紙高全上長六寸三分

第十五圖

絹高全上長一尺六寸

墨林子白文 平生朱文 眞賞

第十五拍文不錄

紙高全上長五寸四分

第十六圖

絹高全上長一尺九寸二分

天籟閣朱文 翰墨朱文 軒芝道人世養

第十六拍文不錄

紙高全上長五寸六分

第十七圖

絹高全上長二尺七分

增之朱文 項墨林父朱文 秘笈之印

第十七拍文不錄

紙高全上長五寸二分

第十八圖

絹高全上長一尺五寸六分

編洲織朱文 自史墨林朱文 秘玩

第十八拍文不錄

紙高全上長八寸六分

嘉靖四十五年歲次丙寅三月十有六日

雁門文彭

文彭朱文之印

三橋圖文居士

國子朱文先生

仇十洲募驢圖卷

題首紙高八寸八分
長四尺二寸二分

大隱金門

白文

鑄印天樹

白文

高風逸韻

朱之蕃題

朱印白文之蕃

狀元白文宗伯

圖紙高八寸五分
長二尺二寸二分

仇英寶父戲作

寶朱文父

暇白文

竹香朱文

接紙高八寸長
三尺三寸三分

爲朱君募買驢疏

金蘭廷瘦朱文
隱氏收藏

暇白文

稅驂贈友昔者聞之有馬借人今焉亡矣朱君性父
白首窮儒宴息中林時思放跡蕭閑布褐自愛騎驢
欲削袁文封曰匡廬處士深然漢志宜於山谷野人
無囊可探歸空問婦丐言雖拙仰欲謀朋老者安之
惟仁人爲能播惠傷哉貧也故友道重夫通財市轡
旣藉乎高賢執鞭何辭於賤子訪交呂氏行將特二
以臨門好酒李生會見騰二而過市庶垂明覽不鄙
微言弘治己未季冬望後一日東海徐禎鄉撰 秀
才錢同愛奉贈白金六錢 西崦朱良育贈銀五錢
太原祝允明奉贈五星 蘇衛張欽助米一石

相城沈邠奉米壹碩 魯國男子唐寅贈舊刻歲時

襍一部計十冊抵銀壹兩伍錢 邢參贈銀叁錢

葉玠 奉銀叁錢 御前數陳王道生董淞分贖五十

分 楊美贈米一石

杏城 朱文 壓蓋

歐陽通云 朱文 石印

朱文

錢印 白文 天樹

竹香 朱文 盒

又接紙高八寸五分 長四尺六寸八分

金蘭廷瘦 朱文 隱氏攸藏

朱文

杏城 朱文 臨書黃

歐陽通云 朱文 石印

朱文

竹 朱文 香

余嘗欲買一蹇衛策跨九峰中而朱性甫先之此卷
募驢疏爲徐博士昌穀手跡又有唐解元以書抵錢
皆吳中老輩風流佳話程尙甫得之與東坡山谷馬

券並傳可也 天啟甲子四月廿四日得觀於白石

山之頑仙廬 肩公陳繼儒記

陳印 白文 眉 朱文 繼儒

公

霸橋詩思老更邁跨驢入市便清遊蕭然布褐謝鳴
騶不須函谷騎青牛鬢髮搖風二聽二光芒奪日炯
雙眸儼金之友姓氏留唐子贈書勝紫鏐前輩風流
誰爲儔尚父高士無俗謀詩壇牛耳爭千秋珍重此
圖寧悠二煙雲滿帟驢背收晨夕把玩老林二王
辰春日衲彥書于戍上之一枝棲

俊彥 白文 雪山 白文 之印 道者

弄竹翁人 朱文

昔賢懷性甫好事想仇生策蹇聊當步攜柑好聽鶯

間過覆樹去每入亂山行空忝許詢具而無陶亮
贖錢買飛衛作意寫圖成往哲風流事追題我輩情
幾人留姓字千載仰鴻名古道誰磨滅江山有定傾
豈能謀獻石意重卽連城屢屢高人索難爲趙璧輕
和嶠無此癖翰墨有餘榮內史山花發公孫劍器驚
比君留此卷神物總齊聲

賢哉性甫朱先生老健日逐溪山行貧無籃輿震不
借愛賢敬老徐禎卿一疏手寫謁同好僱驢代步身
爲輕不問朱提并脫粟爲山一賁求其成唐子最奇
家亦窶以書抵錢非矯情是皆前輩絕高致圖傳不

朽推仇英程子負圖如五岳拂一素絹煙霞明陳君
見此動神魄屢書若懇腸九縈尙甫絕癡詎忍割餅
無儲粟嘗手擎遍走詩人求品目慙無好句高其聲
惜將魚眼迷鮫睛既作五言排見雪雁詩恍焉自
失復贅此歌終慚續貂耳壬辰晚春廿六日疏菴

沈弘度題并記

疏白文 公雅白文 陶望朱文 錢印朱文

曾熾錢朱文

夢廬家

朱文

沈韻初朱文

竹香朱文

天樹朱文

仇十洲祝允明王雅宜文衡山陸五湖蔡九達彭隆
池七家書畫卷

第一圖紙高五寸長四寸九分

寶朱文 見朱文

接紙高同長
二尺八寸

黃庭經文不錄 弘治庚申春正月廿七日長洲祝

允明書

允朱文 祝 白文

希詰

第二圖紙高
同長五寸

寶朱文 見朱文

接紙高同長
九寸六分

蘭亭序文不錄 閒窗無事戲書此帑公瑕裝以爲

冊真可笑也嘉靖乙巳中穉後六日徵明時年七十

又六

徵明

朱文連珠

見朱文

第三圖紙高五寸一分長五寸

實朱文 見朱文 前定

接紙高同長一尺九寸

曹娥碑文不錄 嘉靖癸巳二月七日雅宜子王寵

書于白雀行窩

王寵 白文 履吉 白文 私印 之印

第四圖紙高同長四寸九分

實帶 白文 見朱文 定

接紙高同長九寸

湘君湘夫人文不錄 嘉靖丁酉春三月十九日林

屋山人蔡羽爲公取賢友書于玄秀樓中

九朱文 透

林屋 白文
山人

第五圖紙高五寸
二分長四寸九分

寶甫 白文 見朱文
定

接紙高五寸長
一尺二寸二分

麻姑山仙壇記文不錄 余性蹇下而志率不逮學
書其一也初見是帖於酉室先生所時纔弱冠耳卽
假歸臨學迨今十有六年而曾不得彷彿其萬一誠可
愧也而公瑕又教余縮小爲之益增其醜矣如何嘉
靖乙巳十月初三日陸師道識 子傳 朱文

第六圖紙高五
寸二分長五寸

實甫 白文 見朱文 定

接紙高四寸八分
長一尺一寸九分

洛神賦文不錄 公瑕兄得衡翁小字蘭亭敘陸禮
部為書麻姑壇記次之復以空紙命余寫此誠所謂
瓦礫在後也皇恐皇恐嘉靖辛亥七夕彭年識

改紙高同長
五寸三分

吳中書法自昔有傳前修如徐武功有貞劉大參珏
李太卿應禎稱名家至祝京兆文太史王履吉原始
二王迨美文敏一時學書者彬 輩出實昭代之宗
工也太史愛我自弱冠即引為小友許之可教林屋

先生亦曾辱下榻故暇時偶筆手贈特影此蘭亭九
歌其一也因徙居爲祛篋失之僅存二帙乃裘小冊
屬陸璽卿彭徵君繼後至于祝京兆之黃庭經王履
吉之曹娥誄近又得之白雀寺僧者余留心廿年始
得數幅其亦可謂難矣隨倩仇實甫各寫一圖若博
士彭太僕許初文選王穀祥太學袁褰學諭嘉同學
黃姬水文宗袁尊尼皆我同志將取次求書滿帙以
蹉跎誤時竟不畢事於衷不能無憾吁甲戌正月周

天球記

周氏 朱文
公瑕

又跋紙高五寸二分
長一尺五寸九分

右明人書畫凡六段長洲周公瑕所集也公瑕先得
文衡山縮臨蘭亭暨蔡九達所書九歌湘君湘夫人
二章因裝成冊屬陸子傳爲縮臨麻姑仙壇記彭孔
嘉爲書洛神賦於後又於白雀寺僧所得祝京兆臨
黃庭王雅宜臨曹娥碑合成六段每段屬仇實甫爲
繪像於前皆矮紙蠅楷雖以黃庭曹仙壇本皆細楷
而此皆更加縮小可謂極小楷之能事矣此內祝京
兆臨黃庭是其四十一歲時所書在王雅宜寓居白
雀寺之三十年前雅宜受學於蔡九達居洞庭三年
既而讀書石湖之上二十年至壬辰癸巳間息虞山

白雀寺經年矣是年三月晦日猶復往白雀寺至其
夏四月晦日遂卒則此臨曹娥碑爲其將絕筆時之
作矣宜寺僧與三十年前祝書同珍賞以贈公瑕而
公瑕寶之尤篤也九遠書在丁酉則雅宜歿後四年
陸子傳書在乙巳彭孔嘉書在辛亥則九遠又已歿
數年矣惟衡山巋然靈光至陸彭二君續書時尙健
在也其縮臨蘭亭時年已七十有六而韻逸手柔彌
臻勝槩不足爲衡山異也吳中人相傳衡山歿後凡
豐碑巨碣皆出公瑕之手蓋公瑕能以書法嗣響衡
山者此跋在明神宗之二年甲戌時已爲文伯子壽

承卒後之二年矣其篇末所舉數人者蓋俯仰今昔感慨系之雖石湖五賢之記雙梧六客之圖何以加諸攷吳中往哲者當於是卷增三復焉又不僅爲細楷作故實而已也昔年嘗爲祝文二家小楷作跋今復題此卷皆兩峯道人案頭翰墨緣也適兩峯以朱拓越州石氏刊本褚河南度人經見贈因記於卷後乾隆五十六年歲在辛亥夏四月廿有三日書於石墨書樓之東軒北平翁方綱

方綱 朱文

潭溪 朱文

仇實父方竹畱卷

引首紙本長一尺六寸高八寸

金輔廷瘦 朱文

錢印 白文

僊氏收藏

天對

方竹

銜復書

復甫氏

白文 白易 白文

山人

曾藏錢 夢隱家

朱文

絹本設色長二尺四寸二分高七寸

曾藏錢 朱文 夢隱家

仇英實甫爲

方竹先生製

仇英

朱文 仇氏 朱文

實甫

金蘭廷瘦 朱文 遷氏致藏

錢印 白文 天封

跋紙長二尺四寸七分高八寸二分

西岡 白文

曾藏錢 朱文 夢隱家

若人樂[舌]素臨軒植修竹我來盼軒前森森萬竿玉
撲簾春霧寒匝地秋雲綠赤日自行空何曾見炎燠
天風忽來過琳琅韵相觸夜月轉階除金波晃人目
對此懷抱清超然遠塵俗初疑渭川湄復訝湘水曲

鷓鴣何必啼鸞鳳自來宿既足調玉琴亦可敲棋局
良時敘朋儔談諧飲醪醪或持一編書起就蒼陰讀
雅趣有如此逍遙乃云足子猷安在哉君應繼高躅

古歛程賜

受 朱文

歸 白文

金鑰廷瘦

朱文

錢甲 白文

仇十洲臨張擇端清明上河圖卷

引首紙本高一尺
長四尺五寸六分

清明上河圖

隸書

三橋文彭

文彭之印

朱文

文壽承氏

朱文

絹本設色高一尺
長二丈二尺九寸

寶交

自

九氏朱文

神品

朱文

項墨林

白文

項墨林父

朱文

項元

朱文

跋紙高同長

三尺一寸

右清明上河圖一卷宋翰林畫史東武張擇端所作
上河云者蓋其時俗所向若今之上塚然故其盛如
此也圖高不滿尺長二丈有奇人形不能寸小者纔
一二分他物稱是自近而遠自畧而詳自郊野以及
城市山則巍然而高隕然而卑窪然而空水則澹然
而平淵然而深迤然而長引突然而湍激樹則槎然
而枯鬱然而秀翹然而高蒼然而莫知其所窮人物
則官士農賈醫卜僧道篙師纜夫婦女臧獲之眾行
者坐者問者答者授者受者呼者應者騎而馳者負
而戴者抱而攜者導而前呵者執斧鋸者捺畚鍤者

持杯罍者袒而風者困而睡者倦而欠伸者乘轎褰簾以窺者又有以板爲輿無輪箱而陸曳者有牽重舟源急湍極力寸進園橋匝岍駐足而旁觀者皆若驢呼助叫百口而同聲者驢羸牛馬橐駝之屬則或馱或載或臥或息或飲或秣或就囊斲草首入囊半者屋宇則官府之衙市廛之屋村野之莊寺觀之廬門窗屏障籬壁之制間見而層出店肆所鬻則若酒茗饌若香若藥若雜貨百物皆有題扁名氏字畫纖細幾至不可辨識所謂人與物者其多至不可指數而筆勢簡勁意態生動隱見之殊形向背之相準不

見其錯誤改竄之跡殆杜少陵所謂毫髮無遺漏者耶非蚤作夜思日綦歲積不能到其亦可謂難矣此畫當作於宣政以前豐亨豫大之世卷首有祐陵瘦筋五字籤及雙龍小印而畫譜不載金大定間燕山張著有跋據向氏書畫記謂與西湖爭標圖俱選入神品後歸元秘府至正間爲襄池官以偁本易去售于貴官某氏某守主藏者復私之鬻于武林陳彥廉氏陳有急又聞守且歸懼不能守西昌楊準以重價購之而具述其故云爾後又爲靜山周氏所得吾族祖雲陽先生爲跋其後又有藍氏珍玩吳氏家藏諸

印皆無邑里名字不知何年復入京師予始見于大理卿朱文徵家爲賦長句後爲少師徐文靜公所藏公未屬纊謂雲陽手澤所在治命其孫中書舍人文燦以歸于予嗚呼韓退之畫記其所關繫幾何旋復喪失獨其文奇妙故傳之至今今有圖如此又於子有世澤之重而予之文不足以發之姑撮其要如此且以見夫遺失之易而嗣守之難雖一物而時代之興革家業之聚散闢焉不亦可慨也哉噫不亦可鑒也哉長沙李東陽跋 右有宋張擇端所画西涯先生序之詳余嘗於崑城顧桴齋處得鑒賞之此卷實

吾郡十洲仇實父所模逼真其委曲鞅敘無有不到
誠珍品也東洲繆先生得之命余復錄前序併爲識
之他日東洲傳于後世必與擇端正本並馳矣嘉靖
己酉春三月二十又九日長洲文徵明識 徵明 朱文連珠

停雲

白文

退密

朱文

項字京

朱文

荏林

朱文

墨林子

白文

墨林

朱文

項元

朱文

項字京

朱文

簡李項氏

朱文

世家寶玩

明名人尺牘冊

沈石田札紙兩接高
七寸五分共長七寸

熟睡中忽枉手帖覺而讀之誠有如所謂嫣然一笑
者明日良會固當躍馬而赴但願以仁又復見招恐

不可不赴也況過擾已多不待此會容當再擾何如
蒙惠黃菁已領感感 寬再拜 崇善至契侍史

紙兩接高六寸九分長八寸三分

僕跼伏草野上仰聲光非一日矣疊辱記存寵有多
儀未易筆舌爲謝聊有手箋用信耿耿耳俯伺揮頓
幸甚 侍生沈周再拜 貞白大人先生閣下

后 委南

祝允明札紙四接高八寸二分共長一尺四寸

春初違別倏忽秋冬臨行多蒙遠送僕以朝夕思念
心之快二恨不得一會耳料賢妹與諸甥俱以平安
六月間趙表弟書來方知老母日疾全仗妹丈看顧

此情此意不敢忘也徐蘭張智在家恐外生事或托
僕父子之名假傳老母之言在府縣求囑望 妹丈
爲我諫阻責治托在親愛故此瑣 有煩回日面謝
聊具粗葛一端銀一兩奉上表意如有使人乞賜華
札回示忙中草 二不悉 九月二十三日祝允明頓

首拜

在野賢妹親誼

晞 自文

金元玉札紙四接高七寸
五分共長一尺一寸五分

誕辰失賀罪 二 所有自壽佳作席間諸公必皆廢和
徧矣寄示如何僕亦勉成奉上未審尊意何似倘有
未穩當改作之投瓦礫於珠林恐貽咲耳并望示及

萬二 金琮拜上 龍老鄉丈先生

金氏 朱文
元五

錢叔寶札紙兩接
高七寸長五寸

別後兩辱手翰捧誦之下如接蘭言遙想林泉之樂
超乎塵表令孫學業日富飛鳴伊邇眞樂又在是也
西村近集欲求跋語言念夙好敢促筆一揮不勝感
感 錢穀頓首 仲晦詞宗先生閣下

王百谷札紙三接高八
寸九分長九寸五分

城南之游賴足下爲指南甚荷猶有未盡者心尙馳
於彼也佳扇書呈病中草率不稱有餘口矣今日已
初口君過席邱得足下同行當令太史奏德星聚幸

無見外 卽日釋登頓首 少室尊兄國士足下

使者扇一柄并納

周天球札紙高六寸
四分長三寸一分

衰倦之人故舊皆廢禮無候問仰承兄丈特致情殷
厚念愛如昔心感心感愧不謝奈何容登堂面謝不
一 球弟頓首 荆門兄丈先生閣下

敬身堂人札紙兩接高
八寸八分共長七寸

母字付友賢收日虛伯家有人回已知汝寓貢院東
家中眷屬俱平安夢兆亦好汝須愛護精神當場努
力凡事宜謹愼處亦宜謙和場後行止汝自裁之因

燕里行便附此八月四日平安信 姪口處不及討

家書口母昨曾往問俱平安相見多上覆

敬身 朱文堂入

文衡山札紙兩接高八寸四分共長六寸九分

經時不面良用耿耿 新茗佳甚登領之餘不勝感荷

又一見不忘老 之意也使還草 二奉覆容自致謝

不悉 徵明肅拜 文學賢契侍史 三月既望

又紙兩接高八寸一分共長六寸五分

明日請過寒寓一坐就享糲飯若有小雨當以馬奉
迎幸勿以泥水爲辭也 徵明頓首 民玄太學賢

契 廿五日

又紙八接高八寸長二尺七寸

徵明頓首 學士相公水南先生執事違遠以來屢改歲律緬想風範如懷古人弟林居既久懶慢成習不得一修竿牘之敬願承不鄙數賜記存昨歲襄葬亡妻特枉慰問重以厚賻情意勤至潦倒末殺豈所宜蒙但千里沈浮迤邐今秋始得領教坐是不足以時報謝然中心感戴何能忘也伏惟執事仁明大雅宜在具瞻之地比歲分司南來已舛輿主摧拙扼塞遂爾顛淪不知持衡之人竟如何也諒惟高明以道自勝不以爲意特區二者不能不罹一耳解逅盧承云

秋事弭節以來優游棗梓不與時競晚節高尚足爲
鄉里增重尤切仰傾比日冬寒伏審起居安勝爲慰
徵明逾七望八衰病日尋待盡林間無可爲下
承晚薰籠領次多謝使還草二奉覆不次 徵明奉

覆

與之尊兄

文甲 白文
徵明

文三橋札四紙高八寸
共長一尺五寸一分

連日不面耿耿 涪化帖昨止對得一本且襍來看看
再整得當奉教也不謬 涪翁書畫跋借來一看隨
當歸還不久滯庭中設一小盆欲得金魚數頭聞令
親有之能轉乞數頭惠我如何若得就以所蓄者付

來尤妙尤妙兩□□著已通神矣何日過我感感

彭頓首 秋宇太史先生

又紙高七寸七分長三寸三分

天暑尙未得再造此心懸二術士方對山求見幸惟

與進 彭再頓首

文休承札五紙高八寸八分共長一尺六寸五分

七月廿日侍弟文嘉力疾具啟上 大白望秋宇大

人先生侍史小僕還承手教兼拜佳筆補子之畫謝

二 又得歸二卷開展之餘如久別故人而猝獲一見

喜可知矣吳集已領但彥遠法書名畫二錄聞欲託

人刻之此書古而不今好者紀少儻託之不得其人
恐并原本失之他日追悔無及莫若草二抄存俟偶
遇知音爲之亦不晚也鄙見如此不審執事以爲何
如僕不能謹疾六月中旬疽發於背勢甚猖獗幾至
不救今賴庇粗安矣然尙未離牀褥風便草二附承
動靜餘惟爲道自玉以需台斗之 不宣 外漢印

編一冊伴緘

擊錫
余目
嘉名

白文

文休
承氏

白文

文五峯札兩紙高八
寸七分長四寸三分

承委今日不及明早飯當爲圖成奉覽轉易可得三
卷後日可也六如画不見發至想遺之耳拙筆四

卷亦望遺還以應其主之求萬萬 伯仁再行 秋

宇太史公閣下

文文肅札兩紙高
八寸六分長六寸

芥菴能至竺塢甚妙然前此必須晤之第恐廿五日
有海虞之行耳無處檢桃李園記腹笥又虛然扇上
書記亦太難爲人也呵二 草率復命不知有當尊意
否餘情容面悉疏稿刻成奉覽 小弟震孟頓首

舒仁丈先生

又紙兩接高九
寸長五寸一分

賤體一病幾殆坐是失于匍屣天壤勞人又不能因

病得閑徒增苦趣耳委書卽課注近刻博笑家兄近
俟豫老歸有信此後尙未得也承念爲謝 晚弟震
亭頓首 舒翁丈先生

陸文裕送淡軒詩卷

紙本高八寸二分
長四尺八寸五分

且止居 朱文

送淡軒先生南歸詩敘 澹軒先生之歸自金臺也
其子鷗之進士同年官詞林者咸賦詩餞而深爲序
先生幼有大志晚付其志於子而子果以科第顯既
有承矣因得遨遊兩都以自適於詩酒昔深與鷗同

試於南都而捷先生在焉時辛酉歲也又同試於南
宮而捷先生亦在焉時乙丑歲也方辛酉之歸也鄉
之人來逆焉歎于途曰是有子也爲國之賓矣今乙
丑之歸也鄉之人復來逆焉歎于途曰是有子也爲
王之臣矣先生之遊愈遠所得愈多又安知他日復
來二而復歸不又多於今日者耶雖然深竊有感於
才難之說天之生才或曠世或十世及其生也或數
人或數十人而止耳及其相去也或千里或萬里其
不數如是其寡如是其疎而遠如是其在於人則嗜
慾攻之毀譽搖之功名壞之其摧折之遽如是故求

一時輩出而又得相觀法又人二自底于成此自古及今之所以難也雖然出于天而敗于人豈非豪傑之士之所恥哉今以先生爲之父鷗爲之子萃於一家出於一時天於張氏謂之厚矣而鷗又能盡發先生之所藏謂之有成矣今侍先生以歸職務旣閒山林有餘益懋其成豈非深之望是亦先生茲歸之所得也先生之孫鷗之子壻深從兄深親且厚者也於是乎言 正德改元春三月下濬同邑江東生陸深

序

陸氏子鼎

白文

吳松書屋

朱文

吳修私印

白文

陸氏鑑賞

白文

王禮治

朱文

陸氏印信

馬二良 朱文
眞賞

一 跋紙高九寸六分長七尺七寸

弄筆 朱文 自樂 朱文 斜行小艸 耳目

蔡名衡跋不錄

陸文裕詩翰冊

紙本十一頁每頁高七寸五分長四寸

謁東海先生墓 東海先生天下士近從 子讀遺

文風霜滿壑松杉古日月雙懸曉夜分書帶尙縈堦
下草練帟疑化嶺頭雲廿年政有高山仰形勝東南
更出羣

□定菴先生在薛山旣迺而歸瞻行花竹間奉懷一

首 遙傳杖屨過山居度壑穿雲更口口八院秣餘
霜後菊護窗唯有讀殘書聊鑿翠竹留題字獨上青
松望小車咫尺懷人情萬里江流爲覓一雙魚

謁九峯先生墓

清才巨筆更逍遙白玉樓成赴紫

霄池上夢驚生碧草碑前人到奠芳椒陰森氣候還
松蓋搖落年華但柳條多少漢朝金紫貴將軍口數

霍驃姚

別後數詩呈西樓老兄

深頓首

陸氏 白文
子嗣

顧晉卿
氏珍賞

朱文

南邨

朱文

唐順之書札卷

歸安李氏藏

紙本高八寸長
二尺七寸八分

侍生唐順之頓首拜 郡侯雙橋先生大人門下維
揚之俗大賈富人爭以侈相高其來久矣吾雙橋痛
矯之以儉其閭里貧窶小民力罷於奔命財困於厨
傳亦久矣吾雙橋以身任怨孜二務求所以節用省
費之道自非眞實爲民不能道此每一聞風令人懷
慕惟雙橋始終此意爲之三數年庶幾侈俗可革而
民疲其有瘳乎僕迂疎人也獲奉教於吾丈之日淺
矣曩被罪中過承教愛至今念之不忘自使節至維
揚又承書惠遠及顧僕何以得此無乃有於臭味之
偶同耶東城葬文向已託龍溪兄力辭今三友復此

遠來奈何雖然亦以竟不能發此兄潛德之光是懼
也三友回草二復命餘惟照亮不旣 順之再拜
書帕侑柬左白

穰梨館過眼錄卷十九終